

IKT

| | | |
|---|---|--|
| BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA |  | BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR |
|---|---|--|

UPRAVA POLICIJE

Broj: 05-04/06-11-161/24/RS

Dana: 06.03.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Sl. glasnik BiH“, broj: 39/14 i 59/22), Preporuke o izboru najpovoljnijeg ponuđača Komisije za javne nabavke broj: 05-04/01-1-11-161/24 od 05.03.2024. godine, a na osnovu člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj: 13/16 i 16/17), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) u postupku javne nabavke usluga – popravak, servisiranje, kalibracija i verifikacija etilometara, ručnih uređaja za mjerenje brzine vozila u saobraćaju i popravak PDA uređaja u toku 2024. i 2025. godine, načelnik Sektora kriminalističke policije Uprave policije MUP USK-a **d o n o s i**:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 05-04/01-1-11-161/24 od 05.03.2024. godine i okvirni sporazum/ugovor za javnu nabavku usluga – popravak, servisiranje, kalibracija i verifikacija etilometara, ručnih uređaja za mjerenje brzine vozila u saobraćaju i popravak PDA uređaja u toku 2024. i 2025. godine za potrebe Uprave policije MUP USK-a dodjeljuje se ponuđaču „MIBO KOMUNIKACIJE“ d.o.o. Sarajevo kao najpovoljnijem ponuđaču za:

LOT 1 - popravak, servisiranje, kalibracija i verifikacija etilometara marke „Drager“ za ponuđenu ukupnu cijenu u iznosu od **885,10 KM** (slovima: osamstoosamdesetpet i 10/100 KM) bez uračunatog PDV-a,

LOT 2 - popravak, servisiranje, kalibracija i verifikacija etilometara marke „Alcoquant“/“Alcoquant Plus“ za ponuđenu ukupnu cijenu u iznosu od **1.080,90 KM** (slovima: jednahiljadaosamdeset i 90/100 KM) bez uračunatog PDV-a i

LOT 3 - popravak, servisiranje, kalibracija i verifikacija ručnih uređaja za mjerenje brzine vozila u saobraćaju i popravak PDA uređaja za ponuđenu ukupnu cijenu u iznosu od **1.315,00 KM** (slovima: jednahiljadatristotinepetnaest i 00/100 KM) bez uračunatog PDV-a, na osnovu kriterija za dodjelu ugovora „najniža cijena“.

Član 2.

Izabrani ponuđač je dužan da u roku od 5 (pet) dana od dana prijema ove odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđača koji je ovjerene/originalne dokumente iz člana 45. ZJN dostavio u sastavu svoje ponude.

Član 3.

Po pravosnažnosti ove odluke, Ugovorni organ će pozvati izabranog ponuđača radi zaključenja okvirnog sporazuma/ugovora kojim će se regulisati međusobna prava i obaveze vezane za predmetnu nabavku shodno zahtjevima (uslovima) Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Za izvršenje ove odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 5.

Ova odluka će biti objavljena na web-stranici Ugovornog organa www.mupusk.gov.ba uz istovremeno upućivanje ponuđačima koji su učestvovali u postupku javne nabavke, i to elektronskim sredstvom (e-mailom), shodno članu 70. stav (6) Zakona o javnim nabavkama BiH.

Obrazloženje

Postupak javne nabavke pokrenut je posebnom odlukom o pokretanju postupka javne nabavke broj: 05-04/06-11-161/24/RS od 07.02.2024. godine.

Javna nabavka je provedena putem otvorenog postupka za dostavu ponuda.

Ukupna procijenjena vrijednost javne nabavke bez PDV-a iznosi 40.000,00 KM (slovima: četrdesethiljada i 00/100 KM).

Predmetna nabavka je podijeljena na 3 LOT-a:

- LOT 1 – popravak, servisiranje, kalibracija i verifikacija etilometara marke „Drager“

Procijenjena vrijednost nabavke za lot iznosi do 12.500,00 KM bez PDV-a.

- LOT 2 – popravak, servisiranje, kalibracija i verifikacija etilometara marke „Alcoquant“/“Alcoquant Plus“

Procijenjena vrijednost nabavke za lot iznosi do 12.500,00 KM bez PDV-a.

- LOT 3 - popravak, servisiranje, kalibracija i verifikacija ručnih uređaja za mjerenje brzine vozila i popravak PDA uređaja

Procijenjena vrijednost nabavke za lot iznosi do 15.000,00 KM bez PDV-a.

Kriterij za dodjelu ugovora je najniža cijena.

Obavještenje o nabavci broj: 20936-1-2-12-3-10/24 objavljeno je dana 09.02.2024. godine na Portalu javnih nabavki.

Krajnji rok za prijem ponuda bio je 29.02.2024. godine do 09:00 sati.

Komisija za javne nabavke Uprave policije MUP USK-a je imenovana Rješenjem broj: 05-04/04-2-11-585/23 od 06.06.2023. godine.

Komisija za javne nabavke dostavila je Odsjeku za materijalno opremanje i komercijalne poslove Zapisnik sa otvaranja ponuda od 29.02.2024. godine, Zapisnik o ocjeni ponuda broj: 05-04/01-1-11-161/24 od 05.03.2024. godine sa Preporukom o izboru najpovoljnijeg ponuđača broj: 05-04/01-1-11-161/24 od 05.03.2024. godine u predmetnom postupku javne nabavke.

U postupku po Zapisniku o pregledu i ocjeni ponuda je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 (jedna) ponuda za LOT 1, (jedna) ponuda za LOT 2 i 1 (jedna) ponuda za LOT 3;
- da su sve ponude blagovremeno primljene;
- da nije bilo neblagovremeno primljenih ponuda;
- da su ponude ponuđača: „MIBO KOMUNIKACIJE“ d.o.o. Sarajevo za LOT 1, LOT 2 i LOT 3 prihvatljive

Dalji postupak Komisija za javne nabavke je provela u dvije faze:

- u prvoj fazi obavljena je provjera kvalifikacija ponuđača, prema uvjetima i kriterijima utvrđenim u tenderskoj dokumentaciji,
- u drugoj fazi date su preporuke Ugovornom organu za dalje postupanje u ovom predmetu.

Uvidom u dostavljene ponude i dokumentaciju ponuđača „MIBO KOMUNIKACIJE“ d.o.o. Sarajevo za LOT 1, LOT 2 i LOT 3, Komisija je konstatovala da iste ispunjavaju sve uvjete tražene tenderskom dokumentacijom, te su ponude za sva tri lota ocijenjene kao prihvatljive. Nije bilo potrebe za zakazivanjem E-aukcije iz razloga što je za svaki lot dostavljena po jedna prihvatljiva ponuda.

Naziv ponuđača čija je ponuda ocijenjena kao najpovoljnija:

| PODACI O NAJPOVOLJNIJEM PONUĐAČU ZA LOT 1 | | |
|---|--------------------------------|--|
| 1. | Naziv ponuđača | MIBO KOMUNIKACIJE d.o.o. Sarajevo |
| 2. | Sjedište i adresa | Tvornička br. 3, 71210 Ilidža - Sarajevo |
| 3. | Ukupna cijena ponude bez PDV-a | 885,10 KM |

PODACI O NAJPOVOLJNIJEM PONUĐAČU ZA LOT 2

| | | |
|----|--------------------------------|--|
| 1. | Naziv ponuđača | MIBO KOMUNIKACIJE d.o.o. Sarajevo |
| 2. | Sjedište i adresa | Tvornička br. 3, 71210 Ilidža - Sarajevo |
| 3. | Ukupna cijena ponude bez PDV-a | 1.080,90 KM |

PODACI O NAJPOVOLJNIJEM PONUĐAČU ZA LOT 3

| | | |
|----|--------------------------------|--|
| 1. | Naziv ponuđača | MIBO KOMUNIKACIJE d.o.o. Sarajevo |
| 2. | Sjedište i adresa | Tvornička br. 3, 71210 Ilidža - Sarajevo |
| 3. | Ukupna cijena ponude bez PDV-a | 1.315,00 KM |

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija za javne nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu ponuda, u skladu sa kriterijima iz tenderske dokumentacije.

Iz navedenih razloga, primjenom člana 64. stav (1) tačka b), člana 25., te člana 70. stavovi (1), (3) i (6) Zakona o javnim nabavkama Bosne i Hercegovine ("Sl. glasnik BiH", broj: 39/14 i 59/22), člana 26. i člana 27. stav (3) Zakona o unutrašnjim poslovima Unsko-sanskog kantona ("Službeni glasnik USK-a", broj: 13/16 i 16/17), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno ili elektronskim sredstvom (e-mailom) ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču: MIBO KOMUNIKACIJE d.o.o. Sarajevo, putem e-maila: prodaja@mibo.ba

2. Sektor za mat. fin. poslove i IKT - za objavu

3. a/a



